



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1000. Usque Ad Annum 1063

**Fleury, Claude**

**August. Vind. [u.a.], 1761**

**VD18 90117956**

§. 22. Roberti Regis obitus. Henricus Rex.

---

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

ab ipso & Fratribus ejus de suo patrimonio fundatum, cujus privilegia in Concilio plus quam quadraginta Episcoporum, Romæ tertia Januarii anno millesimo decimo quinto, celebrato, a Benedicto VIII. Papa confirmari petiit. Guilielmus Abbas magnum informavit Discipulorum numerum, complures Abbates & Episcopi Itali, Ecclesiis suis relictis, se ejus Disciplinæ submiserunt, & complures ex ejus Tyrocinio ad Munus Abbatiale vel Episcopale obeundum evocati.

Sæculum XI.  
A.C. 1031.

tom. 9. Conc.

p. 834.

Sæc. 6. Ben.

p. 340.

# §. XXII.

## *Roberti Regis obitus. Henricus Rex.*

Eodem anno millesimo trigesimo primo Robertus Rex ex Burgundia reversus totam Quadragesimam peregrinando consumpsit. Quippe postquam limina S. Stephani Biturigis, S. Majoli, S. Juliani in civitate Brivatenſi, S. Antonini, S. Geraldii Auriliaci, aliaque loca pia adiisset, Biturigas in Dominica Palmarum remeavit, atque inde Aurelianum, Festum Resurrectionis celebraturus. In itinere larga dona Ecclesiis, & copiosas eleemosynas pauperibus contulit. Quin & complures agrotos, signum crucis super eos formans, sanitati restituisse dicitur. Tandem obiit Meloduni die Martis vigesima Julii, sexagenarius, postquam a morte parentis annos triginta tres regnasset.

Cor-

Helgald. p.  
76.



Sæculum XI. A.C. 1031. Corpus Parisios delatum, & ad S. Dionysium sepultum sine omni cultu aut Epitaphio. Nam effigies lapidea, quæ hodie ibi visitur, post plura exinde elapsa sæcula apposta est. Henricus Roberti filius ante quadriennium in Regem unctus annis viginti novem post obitum Patris regnavit.

## §. XXIII.

*Concilium Bituricense.*

Gaufelino Archiepiscopo Bituricensi, anno superiore millesimo trigesimo, postquam Sedem hanc annis septendecim tenuisset, fatis functo, & Aimone de gente Dynastarum Burboniorum ipsius Hereditatem obtinente, Concilium primo. 9. p. 864. Novembris anno millesimo trigesimo primo celebratum, cui cum Archiepiscopo interfuere Stephanus Episcopus Aniciensis\*, Renco Claromontanus, Raimundus Mimatensis, Æmilius Albigenfis, & Deusdedit Cadurcensis. Superfunt nobis hujus Concilii viginti quinque Canones. In primo præcipitur, ut per omnes Ecclesias his Episcopis subjectas S. Martialis Doctoris Aquitaniæ Nomen non amplius inter Confessores, sed inter Apostolos proponatur, sicut a Romana Sede & a pluribus antiquis Patribus definitum esset. Namque Joannes Papa XIX. miserat de hac re Epistolam ad omnes Episcopos,

\* in Actis Vastanensis.